



UNIVERSITÄTS-
BIBLIOTHEK
PADERBORN

Universitätsbibliothek Paderborn


Phileremi Palaeologi Monachi De Oratione Dominica Liber

Lardenoy, Martin de

Parisiis, 1673

Prologus.

urn:nbn:de:hbz:466:1-9892



PHILEREMI
PALÆOLOGII
MONACHI
DE ORATIONE DOMINICA
LIBER

Ex variis Sancti Augustini sententiis summâ fide contextus.

In quo præcipua Christiane humilitatis Arcana panduntur.

PROLOGUS.



Ivinissimè Christus Dominus formulam orandi breviter nobis præscripsit. Noverat quippe hoc pertinere ad modestiam fidei, si non agmine verborum ad-

A

2 *Phileremi Palaologi Monachi*
eundum putaremus ad summum
patrem, quem ultrò suis prospice-
re certi sumus. Et tamen brevitatis
ista magnæ ac beatæ interpretatio-
nis substantiâ fulta est: quantum-
que substringitur verbis, tantum
diffunditur sensibus. Neque enim
propria tantum orationis officia
complexa est, venerationem Dei,
aut hominis petitionem; sed om-
nem penè sermonem Domini, om-
nem commemorationem discipli-
næ; ut revera in oratione hæc bre-
viarium totius Evangelii compre-
hendatur. Ita sensit ac docuit olim
Tertullianus, & qui Tertullianum
de proximo secutus est Martyr Cy-
prianus, aliique Patres ac Doctores
utriusque linguæ non pauci. Ve-
rùm nemo feliciùs apice Doctorum
Augustino; cujus libri tractatúsque
omnes, quæ de Mysterio Christia-
næ gratiæ, aut de moribus piè in-
stituendis agunt, hunc in scopum,
dirigente Deo, unicè tendunt ut
Sacramenta Dominicæ orationis fi-
delium intelligentiæ patefaciant,

de Oratione Dominica Liber. 3
ac multiplices divinæ sapientiæ
thesauros ibi latentes in publicam
lucem eruant. Norunt quàm verè
hoc dicam, quibus est cum Augu-
stino familiaritas longo usu firmata.
Sed rarum hoc genus: tanti enim
boni consecutio difficilis, nec pau-
corum dierum. Plures invenias
quibus placet Augustini lectio; sed
otium deest, quin & vigor ille ani-
mi constans ac perpetuus, eò adhi-
bendus. His nos præcipuè labora-
mus in hoc opusculo; quod qui-
dem ita contrahit Augustinum
Orationis Dominicæ arcana pro-
mentem, ut illum tamen integrum
erudito cuique ac studioso Lectori
exhibeat.

PATER NOSTER.

^a **C**UM in omni deprecatione
benevolentia concilianda sit
ejus quem deprecamur, laude il-
lius ad quem oratio dirigitur, solet
benevolentia conciliari: & hoc in
orationis principio poni solet: in

*a Lib. 2.
de serm.
Domini
in monte
c. 4.*

A ij